

近
光
集

近

光

集

近光集卷十九 七言律

長洲汪士鉉 文升編纂

奉天魯一夔 虞臣叅注

官寮下

科第附

贈翰林學士

宋本無學士二字

賈島

清重無過知內制從前禮絕外庭人看花在處多
隨駕召宴無時不及身馬自賜來騎覺穩詩緣見
徹語長新應憐獨向名場苦曾十餘年浪過春

翰林學士

唐志翰林院者待詔之所也唐制乘輿所在必有文詞經學之士下至卜

醫伎術之流皆直於別院以備宴見自太宗時
名儒學士時時召以草制然猶未有名號乾封
以後始號北門學士明皇初置翰林待詔掌四
方表疏批荅應和文章旣而又以中書務劇文
書多壅滯乃選文學之士號翰林供奉與集賢
院學士分掌制詔書勅開元二十六年又改翰
林供奉爲學士別置學士院專掌內命其
後選用益重而禮遇益親至號爲內相

上杜元穎學士

王建

學士金鑾殿後居天中行坐侍龍輿承恩不許離
牀謝密詔長教倚案書馬上喚遮紅嘴鴨船頭看
釣赤鱗魚閑曹散吏無相識猶記荊州拜謁初

金鑾殿

見十
五卷

寄令狐學士

李商隱

秘殿崔巍拂彩霓曹司今在殿東西
賡歌太液翻黃鵠從獵陳倉獲碧雞
曉飲豈知金掌迥夜吟應訝玉繩低
鈞天雖許人間聽閭闔門多夢自迷

黃鵠

西京雜記始元元年黃鵠下太液池帝為歌

陳倉

唐志鳳翔府寶雞縣本陳

倉至德二載更名

金掌

長安志仙人掌太十圍以銅為之詳見一卷金

莖及積

玉繩

謝朓詩玉繩低建章

鈞天

見二卷廣樂注

閭闔

見二卷

賀同年翰林從叔舍人知制誥

李頻

仙禁何人躡近蹤孔門先選得真龍別居雲路拋
三省專掌天書在九重五色毫揮成渙汗百寮班
下獨從容芳年貴盛誰爲比鬱鬱青青嶽頂松

知制誥

唐志學士之職無定員自諸曹尚書下
至校書郎皆得與選入院一歲則遷知

制三省

見七卷

五色臺

南史江淹傳嘗夢一丈夫
自稱郭璞謂淹曰吾有筆

在卿處可以見還淹乃探懷中五色
筆一以授之爾後爲詩絕無美句

渙汗

易渙
汗其

大號王肅注王者出令不可復

返喻如身中出汗不可反也

白侍郎謝病改賓客分司贈別

劉禹錫

鼎食華軒到眼前拂衣高謝豈徒然九霄路上辭
朝客四皓叢中作少年他日卧龍終得雨今朝放
鶴且冲天洛陽舊有衡茅在亦擬抽身伴地仙

賓客

唐志太子賓客
四人正三品

四皓

見五卷

卧龍

見七卷

得雨

見七卷池

冲天

孫綽天台山賦王
喬跨鶴以冲天

中物注

贈渾鉅中允

楊巨源

公子髫年四海聞城南侍獵雪雰雰馬盤曠野弦
開月鴈落寒原箭在雲曾向天西穿虜陣慣遊花
下領儒羣一枝瓊萼朝光好綵服飄飄從冠軍

中允

唐志左春坊中允二人正五品

歐陽元功待制入院後僕以兼領成均辰酉甚嚴絕不得相見今夜當同宿齋宮賦

此先寄并簡謝敬德修撰

虞集

學省初兼禁直稀故人同署却相違食餘苜蓿承

朝日坐候棠梨過夕暉

元注成均堂東有棠梨樹日影至則師生始散二十

餘年矣

預喜奉祠秋寺燭定知催襍早朝衣今晨瘦

馬經門巷想擁青綾尙掩扉

苜蓿

閩川名士傳薛令之開元中爲右庶子作詩曰朝日上團團照見先生盤盤中何所

有苜蓿長闌干上幸東宮見之題其傍曰青綾
若嫌松桂寒任逐桑榆暖令之乃謝病

見一卷

送王繼學修撰馬伯庸應奉分院上都二

首

袁桷

玉京高處雪流脂連插雞翹緣鬢垂蹠蹠有泥歌
獨漉琵琶無夢說相思黑河舊樂催填譜白海名
花擬進詞羽獵上林俱罷賦卿雲何以報明時

玉京

見一卷

雞翹

後漢輿服志鸞旗者編羽旄列繫幢旁民謂之雞翹非也李商

隱詩內苑只知含鳳
背屬車無復插雞翹

蹠蹠

六畫蹠蹠嗜進連步貌卓文君白頭吟蹠

蹀御溝上

獨漉

李白有獨漉篇舊注獨漉篇即拂舞歌五曲中之獨祿篇也

琵琶

石崇王明君詞序昔公主嫁烏孫令琵琶馬上作樂以慰其道路之思

黑河樂

史記

索隱黑水源在伊州唐禮樂志開元二十四年升胡部於堂上而天寶樂曲皆以邊地名若凉

州甘州伊州之類

白海

見四卷

羽獵上林

揚雄有羽獵賦司馬相如有上

林
卿雲

見一卷

淺坡平疊磧漫漫拂嶺青帘罨畫看氍毹屋起營羊

胛熟土房催頓馬通乾捫官走驛傳金椀冰正分

奩貯玉盤莫上鄉臺望南北白雲微處是槍竿

罨畫

元稹詩罨畫樓臺青黛山秦韜玉詩山入江亭罨畫開

羊胛

唐回鶻傳骨利

幹處瀚海北又北度海則晝長
夜短日入烹羊胛熟東方已明
馬通見四 桐官

說文桐徒總切攤引也
漢有桐馬官作馬酒
槍竿見四

上京翰院書懷三首

袁桷

沙草山低叫白翎松林春雨樹青青土房通火爲
長炕氍毹屋疏涼啓小櫺六月椒香駝貢乳九秋雷
隱菌收釘誰知重見鼇峯客颯颯臨風鬢已星

白翎

元太祖紀札木合言於汪罕曰我於君是
白翎雀他人是鴻雁耳白翎雀寒暑常在

北方鴻雁遇寒
南飛就暖耳 鼇峯見四

門外春橋漾綠波因尋紅藥過南坡已知積水皆

爲海不信疏星又隔河酒市杯陳金錯落人家冠
簇翠盤陀薰風列面無蒸暑去鳥長雲奈客何

萬里雲沙碣石西高樓一望夕陽低谷深牛馬煙
霞錯天險山河海岱齊貢篚銀貂金作藉官窰磁
盞玉爲泥未央殿下長生樹還許尋巢彩鳳棲

碣石

見四卷

官窰

輟耕錄政和間京師自置窰燒造名曰官窰

未央殿

見六卷

送編修張仲藻還家畢姻

宋濂

少年歸娶奏金鑾喜得天顏一笑看紅錦裁雲朝

奠雁紫簫吹月夜乘鸞靈樁堂上承中饋寶鏡臺
前結合歡從此梅花消息好青綾不似玉堂寒

奠雁

見六卷
捧雁注

乘鸞

見六卷
鳳臺注

靈樁

五代時寶禹
鈞子儀儼侃

俚僖皆相繼登科馮道贈詩有靈樁一枝老丹桂五枝芳之句見宋史寶儀傳
寶鏡徐陵
詩信來贈寶鏡庾信賦別後關情無復情奩
前明鏡不須明合歡信未寄迴文織未成
玉

堂

見五
卷

投翰林蕭舍人

溫庭筠

人間鴛鴦杏難從獨限金扉直九重萬象曉歸仁
壽鏡百花春隔景陽鍾紫微茫動詞初出紅蠟香

殘詔未封筭過朱門愛庭樹一枝何日許從容

仁壽鏡

初學記陸機與弟雲書曰仁壽殿前有大方銅鏡高五尺餘廣三尺二寸暗著

庭中向之便

景陽鍾

齊武穆裴后傳宮內深隱不聞端門鼓漏聲置鍾於

寫人形體

景陽樓上官人聞

鍾聲早起粧飾

寄中書同年舍人

楊巨源

晴明紫陌最高峯仙掖開簾范彥龍五色天書詞
煥爛九華春殿語從容綵毫應染爐煙細清珮仍
含玉露重二十年前同日喜碧霄何路得相逢

中書舍人

唐志中書省舍人六人正五品掌侍進奏參議表章凡詔旨制勅璽書策

命皆起草進畫

范彥龍

南史范雲字彥龍居選官任寄隆重書牘盈案

既下則署行

賓客滿門雲應答如流無所

五色書

鄴中記石虎詔以五

壅滯官曹文書發摘如神

色紙著鳳

九華殿

魏有九華殿見洛陽宮殿簿

口中銜出

上裴舍人度

王建

小松窗對鳳池開履跡衣香逼上台天意皆從彩

毫出宸心盡向紫煙來非時玉案呈宣旨每日金

階謝賜廻仙侶何因記名姓縣丞頭白走塵埃

鳳池

見一卷

上台

見一卷

聞楊十二新拜省郎遙以詩賀

白居易

文昌新入有光輝
紫界宮牆白粉闌
曉日雞人傳漏箭
春風侍女護朝衣
雪飄歌曲高難和
鶴拂煙霄老慣飛
官職聲名俱入手
近來詩客似君稀

元注

顧曾有贈楊詩落句云不用更教詩過
好折君官職是聲名今故云俱入手

文昌

唐百官志注龍朔二年改尚書省曰中臺
光宅元年改尚書省曰文昌臺俄曰文昌

都省垂拱元年曰都臺
長安三年曰中臺

粉闌

見一卷
粉署注

雞人

見三卷

侍

女

見十卷大
官侍史注

雪飄歌曲

見一卷
郢歌注

新除水曹郎答白舍人見賀

張籍

年過五十到南宮章句無名荷至公黃紙開呈相
府後朱衣引入謝班中諸曹縱許爲仙侶群吏多
嫌是老翁幸有紫薇郎見愛獨稱官與古人同

水曹

唐志工部尚書其屬有四四
日水部郎中員外郎各一人

南宮

見八卷

黃

紙

唐會要高宗以白紙多蟲蛀尚書省頒下州
縣並用黃紙翰林志唐中書用黃白二麻爲

綸

命朱衣唐儀衛志朝日朱衣
傳呼促百官就班

紫薇

見二卷
紫垣注

送陳郎中還京兼過九江新宅

曾鞏

艤舟金碧照溪沙帆上風吹五兩斜罷郡紫泥催